

20 - KUWEKWA HURU NA KWELI



Twaweza Kuipata Wapi Leo?



Kisa kinaelezwa cha kijana mmoja katika Uyunani ya kale aliyetaka kutafuta kweli.

Alimkabili mzee mmoja aliyefikirika kuwa mwenye hekima zaidi ya wote katika jiji.

Kijana huyu akamuuliza huyu mzee, Mzee Hekima e, niambie tafadhali, 'Nawezaje kuipata kweli? Je, waweza kuniongoza hadi ilipo?'

Mzee mwenye hekima akasimama akaanza kutembea. Kijana akafuata. Walitembea wakapita mitaa ya jiji na kufikia kwenye pwani ya bahari. Huyu mzee akazidi kutembea kuingia kwenye maji. Walipofikia kina cha maji kwenye kiuno, huyu mzee akamwambia kijana aweke mikono yake kichwani pake mwenyewe. Huyu mzee akamtumbukiza kijana ndani ya maji.

Mara tatu kijana alitokeza huku akipambana kwa ajili ya kupata hewa. Mara tatu huyu mzee mwenye hekima alikisukuma kichwa cha kijana majini tena. Mara ya tatu, kijana alipiga yowe, Nilichohitaji tu ni kuupata ukweli! Mzee mwenye hekima akajibu, Kama ukiitamani kweli kama jinsi ulivyoitaka pumzi hii ya uhai, utaipata.

Mungu hazuii ukweli usitufikie. Nabii Yereimia anasema,



(Fungu: Yereimia 29:13)

Nanyi mtanitifuta na kuniona, mtakaponitifuta kwa moyo wenu wote. Yereimia 29:13

Lakini baadhi ya watu wanatafuta katika sehemu zote zisizo sahihi.

20 - KUWEKWA HURU NA KWELI



4

Imetajwa hii ya kwamba kila mmoja wetu huzaliwa na Ombwe lililotengenezwa kwa ajili ya Mungu ndani yetu.

Inaonekana tunazaliwa, na tamaa ya isiyoelezeka ya kitu fulani ambacho hatuna.

Kwa namna fulani katika akili zetu katika hali isiyotambulika vizuri, tunaelekea kutafuta kitu ambacho hatuwezi kukieleza -- lakini kitu ambacho tunakijua ya kwamba tunakitaka na kukihitaji!




5

Hivyo katika hali ya kujikinai na uchovu, tunatafuta kujaza utupu katika maisha yetu kwa fahari au sifa, bahati, madawa ya kulevya, vileo, mali na shughuli za starehe, na pamoja na yote haya tunaishia kugundua hata tukiwa tumeshinda na kupata tuzo hatuna ridhaa inayodumu.



6

Na sasa hivi au baadaye, uwezekano ni kwamba katika usiku wa upweke na kukosa usingizi, swali linalotusumbua la nabii wa kale linaleta mwangwi wake tokea zamani:




7

(Fungu: Isaya 55:2)

Kwani kutoa fedha kwa kitu ambacho si chakula? Na mapato yenu kwa kitu kisichoshibisha?..... Isaya 55:2.

Yesu alielewa ridhaa ya kitambo tu ya kuwa na vitu.



8

(Fungu: Luka 12:15)

Alisema,uzima wa mtu haumo katika wingi wa vitu vyake alivyo navyo.

Luka 12:15.



9

Watu leo wanahisi hitaji la uwezo ulio mkubwa kuzidi wao wenyewe.

Hili si jipya hata kidogo.

20 - KUWEKWA HURU NA KWELI



10

Tangu mwanadamu alipochagua kufuata njia yake katika Bustani ya Edeni, amekuwa na huu utupu usio wa kawaida ambao Mungu mwenyewe aweza kuujaza.



11

Mungu aliwaruhusu wana wa Israeli katika kutanga kwao jangwani wawe na njaa ili wapate kutambua hitaji lao la kuwa naye.

Mungu alinena na Wana wa Israeli kupitia kwa Musa, akisema,



12

(Fungu: Kumbukumbu la Torati 8:3)
Akakutweza, akakuacha uone njaa,



13

.....apate kukujulisha ya kuwa mwanadamu haishi kwa mkate tu;



14

bali huishi kwa kila litokalo katika kinywa cha BWANA.

Kumbukumbu la Torati 8:3



15

Ni wazi Mungu huturuhusu tuhisi njaa ya ndani na kuchoka, ili tumfikie na tumruhusu Mungu aridhishe tamaa zetu.



16

Leo, tunaona tamaa kubwa katika namna mbalimbali za dini.

Pamoja na msisitizo mkubwa leo katika swala la muungano wa dini na msukumo wa kuvunja kuta za kimadhehebu, kuna majifunzo mengi zaidi na mawazo yahusuyo aina mbalimbali za dini na za kanisa.

20 - KUWEKWA HURU NA KWELI



17

Makanisa mapya yanaibuka kwa kasi zaidi katika dunia.

Kila moja linadai kuwa watu wa pekee wa Mungu likiwa na ujumbe wa kweli kwa ajili ya kila mtu duniani.

Bado hayo madai yanapotafakariwa itahakikishwa wazi ya kwamba si madai yote yawezayo kuwa ya kweli.



18

Kila moja linadai kuwa Biblia ndiyo msingi wa imani yao, lakini mafundisho yao ni ya tofauti sana.




19

Yawezekanaje watu waaminifu kuchambua madai yote haya ya dini hizi na kujua kwa hakika kwamba kweli ni nini.

Je, Mungu kweli analo kundi la pekee katika Ukristo analolitambua kama kanisa lake leo?

Ni wazi hivyo, kwani Paulo aliandika:



20

(Fungu: Waefeso 4:4)

Mwili mmoja, na Roho mmoja, kama na mlivyoitwa katika tumaini moja la wito wenu.



21


Bwana mmoja, imani moja, ubatizo mmoja.



22

Mungu mmoja, naye ni Baba wa wote....
Waefeso 4:4-6

20 - KUWEKWA HURU NA KWELI



23

(Fungu: 1 Timotheo 3:15)

Paulo aliandika kwa rafiki yake kijana, Timotheo, na kusema, ...upate kujua jinsi iwapasavyo watu kuenenda katika nyumba ya Mungu,




24

iliyo kanisa la Mungu aliye hai, nguzo na msingi wa kweli.

1 Timotheo 3:15.

Paulo anataja wazi ya kwamba kanisa la Mungu leo ni nguzo na msingi wa kweli, lakini je, tunawezaje kugundua kanisa lipi linao ukweli.



25


Yapo madhehebu mengi sana, mapambano mengi sana, kuchanganyikiwa kwingi sana katika jumuiya ya kidini.



26

Marafiki, kulingana na maandiko, Yesu kamwe hakukusudia ya kwamba kuwepo kuchanganyikiwa kwokwote, na ni wazi pia hakukusudia kuwepo madhehebu yote haya.

Kabla tu ya kusulubishwa, Yesu alisali:



27

(Fungu: Yohana 17:21)

Wote wawe na umoja, kama wewe, Baba, ulivyo ndani yangu, nami ndani yako;




28

hao nao wawe ndani yetu; ili ulimwengu upate kusadiki ya kwamba wewe ndiwe uliyenituma. Yohana 17:21.

Yesu alitaka ulimwengu uweze kutambua wafuasi wake kwa njia ya umoja wao na upendo.

Kristo hakutaka migawanyiko ya namna yoyote ndani ya kanisa lake.

20 - KUWEKWA HURU NA KWELI



29

(Fungu: 1 Wakorintho 12:25)
Kwa kweli, Paulo aliandika ya kwamba kusiwe na faraka (mgawanyiko) katika mwili.
1 Wakorintho 12:25.




30

Lakini Paulo alisema ya kwamba uasi ungekuja, na pamoja na huo, mgawanyiko!




31

(Fungu: Matendo 20:28 - 30)
Tunasoma: Jitunzeni nafsi zenu, na lile kundi lote nalo.....mpate kulilisha kanisa lake Mungu....



32

Najua mimi ya kuwa
baada ya kuondoka kwangu mbiwa mwitu wakali
wataingia kwenu, wasilihurumie kundi.



33

Tena katika ninyi wenyewe
watainuka watu wakisema mapotovu,



34

wawavute hao wanafunzi wawaandamie wao.
Matendo 20:28-30.



35

Tunapofungua kurasa za historia ya kanisa,
tunagundua hili ndilo hakika lililotokea.
Waalimu wa uongo waliinuka, na baadhi wakapokea makosa yao na kuliacha kanisa.
Wengine wakachanganyikiwa. Wanafunzi wakavutwa mbali, na kukawa na kuanguka pole pole toka katika mafundisho ya Yesu.
Lakini hata kupitia katika yote hayo, bado Mungu amekuwa na kanisa lililosalia kuwa aminifu.

20 - KUWEKWA HURU NA KWELI



36

Lakini baadhi ya watu husema, Yaweza kuchukua muda wa maisha yote kujifunza mafundisho ya kila dini ili kupata kuwa ni lipi ni kanisa la kweli la Mungu.

Lakini ipo njia rahisi.
Njia ya Mungu!



37

Mamlaka za kiserikali hutuambia ya kwamba ni rahisi sana kutofautisha kati ya noti ya fedha ya kweli na ile ya bandia. Unaona, wao hujifunza tabia ya ile note ya kweli kwa undani.



38

Wanajua wembamba na mpangilio wa vijinyuzi vidogo sana vitengenzavyo karatasi, wepesi au uzito wa rangi au wino, nembo na utaratibu halali wa nambari za fedha iliyo halisi na ya kweli. (elezea fedha)

Wanapoitizama noti, wanalinganisha upesi na zile sifa zitambulishazo fedha iliyo halali. Kama inapungukiwa sifa yoyote katika zile zilizo katika iliyo halali, basi inakuwa bandia.




39

Vivyo hivyo na kweli.



40

Hatuhitaji kujifunza mafundisho ya madhehebu yote kwa muda mrefu, kama tunajua tabia za kanisa la kweli la Mungu kama zilivyotajwa katika Biblia. Mungu hamuachi mwanadamu akisie kuwa ni ipi dini ya kufuata, kwani Mungu ametupatia kweli katika Neno lake:



41


(Fungu: Amosi 3:7)

Hakika Bwana MUNGU

hatafanya neno lolote, bila kuwafunulia watumishi wake manabii siri yake.

Amosi 3:7.

20 - KUWEKWA HURU NA KWELI



42

Kitabu cha Ufunuo ni muhtasari wa unabii wote katika Biblia. Kinawapatia watu mtizamo wa pekee wa siku ya mwisho.

Hapa mchafuko wa uasi na dini uliopo katika siku za mwisho za historia ya Dunia unafunuliwa.

Ufunuo unatabiri juu ya pambano kati ya kanisa la Kristo na Shetani.

Sura ya 12 inatoa picha kama filamu ya historia ya kanisa tangu wakati wa Kristo hadi mwisho wa dunia:



43

(Fungu: Ufunuo 12:1,2)

Na ishara kuu ilionekana mbinguni; mwanamke aliyevikwa jua,



44

na mwezi ulikuwa chini ya miguu yake, na juu ya kichwa chake taji ya nyota kumi na mbili.



45

Naye alikuwa ana mimba, akilia, hali ana utungu na kuumwa katika kuzaa.

Ufunuo 12:1,2.



46

Hapa Mungu anaonyesha picha ya mwanamke aliye vaa mavazi meupe, aliyevishwa jua, akiwa amesimama katika mwezi hali amevaa taji yenye nyota 12 katika kichwa chake.

Je, hii ina maana gani?

Katika unabii wa Biblia, mwanamke safi anawakilisha watu wa Mungu -- kanisa lake.

Nabii Yereimia aliandika:

20 - KUWEKWA HURU NA KWELI




47

(Fungu: Yeremia 6:2)

Binti Sayuni aliye mzuri, mwororo, nitamkatilia mbali. [Au: Nimemfananisha Binti Sayuni na mwanamke mtulivu na mwororo - kulingana na tafsiri ya Kiingereza].

Yeremia 6:2

Na Sayuni ni nani ? Kupitia kwa Isaya, Mungu alisema,



48

(Fungu: Isaya 51:16)

.....Kuuambia Sayuni, 'Ninyi ni watu wangu.' Isaya 51:16.

Tunapounganisha haya mafungu mawili, tunaona ya kuwa Mungu alitumia mwanamke muadilifu kuwakilisha kanisa lake la kweli.

Mtume Paulo anatumia msembo huo huo katika kulieleza kanisa la Wakorintho.



49

(Fungu: 2 Wakorintho 11: 2)

.....Kwa kuwa naliwaposea mume mmoja, ili nemletee Kristo bikira safi.


2 Wakorintho 11:2.



50

(Fungu: Ufunuo 17:3-5)

Hata hivyo, Yohana pia alionyeshwa mwanamke mwingine, ambaye alimueleza katika Ufunuo 17:.....Nikaona mwanamke, ameketi juu ya mnyama mwekundu sana, mwenye kujaa majina ya makufuru.....



51

Na mwanamke yule alikuwa

amevikwa nguo ya rangi ya zambarau, na nyekundu, imepambwa kwa dhahabu, na kito cha thamani, na lulu,



52


naye alikuwa na kikombe cha dhahabu mkononi mwake, kilichojawa na machukizo, na machafu ya uasherati wake.

20 - KUWEKWA HURU NA KWELI



53

Na katika kipaji cha uso wake alikuwa na jina limeandikwa,




54

SIRI , BABELI MKUU, MAMA WA MAKAHABA NA MACHUKIZO YA NCHI.
Ufunuo 17:3-5.



55

Lugha hii ya mifano inaeleza mwanamke asiye safi -- kanisa bandia. Kanisa lililoanguka limekuwa si aminifu kwa Kristo na limeiuza kweli ya Biblia. Yakobo alitumia maneno kama hayo katika kuelezea juu ya wale ambao wanayaacha mafundisho ya Mungu na kujiunga na dunia:



56

(Fungu: Yakobo 4:4)
Enyi wazinzi,
hamjui ya kwamba kwa rafiki wa dunia ni kuwa adui wa Mungu?.....
Yakobo 4:4.



57

Kwa hiyo, mwanamke aliyeanguka, anawakilisha kanisa ongo, na mwanamke safi anawakilisha kanisa safi.
Hebu tutizame tena katika unabii wa mwanamke safi.
Mwanamke safi = Kanisa safi
Mwanamke muongo= Kanisa ongo.



58

(Fungu: Ufunuo 12:2,4)
Naye alikuwa ana mimba, akilia, hali ana utungu na kuumwa katika kuzaa...



59

Na yule joka akasimama mbele ya yule mwanamke aliye tayari kuzaa,

20 - KUWEKWA HURU NA KWELI



60

ili azaapo amle mtoto wake.

Ufunuo 12:2,4.

Huyu joka ni yupi ambaye alisimama mbele za mwanamke ili amle mtoto wake mara alipozaliwa?



61

(Fungu: Ufunuo 12:7-9)

Kulikuwa na vita mbinguni; Mikaeli na malaika zake wakapigana na yule joka, yule joka naye akapigana nao pamoja na malaika zake;



62

nao hawakushinda, wala mahali pao hapakuonekana tena mbinguni.



63

Yule joka akatupwa, yule mkubwa, nyoka wa zamani, aitwaye Ibilisi na Shetani, audanganyaye ulimwengu wote;



64

akatupwa hata nchi, na malaika zake wakatupwa pamoja naye.



65

(Fungu: Ufunuo 12:5)

Ufunuo pia inaeleza juu ya mtoto: Naye akazaa mtoto mwanamume, yeye atakayeyachunga mataifa kwa fimbo ya chuma.



66

Na mtoto wake akanyakuliwa hata kwa Mungu, na kwa kiti chake cha enzi.

Ufunuo 12:5

20 - KUWEKWA HURU NA KWELI



67

Ni mtoto mmoja tu katika historia ya dunia ambaye atawa chungu mataifa yote kwa fimbo ya chuma na kunyakuliwa hata kwa Mungu, na kwa kiti chake cha enzi, na huyo ni Yesu. Alinena juu ya kuja kwa mara ya pili kwa Kristo,



68

(Fungu: Ufunuo 19:15)

Yohana alisema, Na upanga mkali hutoka kinywani mwake ili awapige mataifa kwa huo.



69

Naye atawachunga kwa fimbo ya chuma...

Ufunuo 19:15.

Paulo anaeleza jinsi Yesu alivyo nyakuliwa hata kwa kiti cha enzi,



70

(Fungu: Waefeso 1:20)

Wakati Mungu ...alipomfufua katika wafu, akamweka mkono wake wa kuume katika ulimwengu wa roho. Waefeso 1:20.



71

Vita iliyoanza mbinguni ilihamia duniani. Akifanya kazi kupitia katika Rumi ya kipagani, Shetani alijaribu kuondoa uhai wa Yesu mara alipozaliwa. Herode, liwali wa Kirumi, alitoa tamko kwamba watoto wote wa kiume wenye umri wa miaka miwili kushuka chini wauawe, lakini malaika alimuonya Mariamu na Yusufu kwamba wakimbie na Yesu hadi Misri.



72

Mwovu alimjaribu Yesu wakati wote wa huduma yake, akitegemea kuuzuia mpango wa Mungu wa kuokoa dunia iliyoanguka. Mwili wa Kristo ulining'inia msalabani, Shetani alidhani alikuwa ameshinda pambano.

Lakini kaburi tupu lilikuwa ishara dhahiri ya kushindwa kwa Shetani.

20 - KUWEKWA HURU NA KWELI



73

Kristo alifufuka na kupaa hadi kwa kiti cha enzi cha Baba yake. Unabii ulikuwa katika ratiba, kama jinsi ulivyotabiriwa! Hali akiwa ameshindwa katika jaribio lake la kumuangamiza Mwana wa Mungu, Shetani aligeuzia hasira yake kwa mwanamke, au kanisa la Kikristo.



74

Wanafunzi wote wa Kristo kasoro mmoja walikufa mauti ya wafia dini. Kama unataka unataka kumuumiza mzazi, ni ipi namna iliyo chungu kuliko zote? Kwa kumuumizia watoto wake. Shetani hangeweza tena kumgusa Yesu. Alikuwa mbinguni, ndiyo. Hivyo sasa aliwashambulia wafuasi wa Yesu kwa ukali sana.




75

Na mtume Paulo alikatwa kichwa nje ya kuta za Rumi. Wakristo waliteswa na kutupwa katika mashimo yenye giza, wengi wakitia muhuri shuhuda zao kwa damu zao.




76

Kwa kadiri wanafunzi walivyokuwa hai, ndivyo na kanisa lilivyosimama imara katika kweli. Baada ya vifo vya wanafunzi, baada ya muda kupita, baadhi ya wakristo, Wakristo waliuza imani yao na mafundisho ya uongo yakaingia kanisani.



77

Kuelekea sehemu ya mwisho ya karne ya pili, makanisa yaliyo mengi yalijitwalia mfumo mpya;



78

ule unyofu wa awali ulitoweka kadiri wanafunzi wa zamani walipotulia makaburini mwao.

20 - KUWEKWA HURU NA KWELI




79

Katika karne ya nne, Mfalme Konstantine alijaribu kuunganisha Ufalme wa Kirumi pamoja kwa kuunganisha wapagani na Wakristo katika mfumo mmoja wa mkuu wa kidini. Matokeo yake, Ukristo ukapendwa sana. Wapagani wakabatizwa na kuingia kanisani wakileta imani zao nyingi na mazoea yao. Kanisa lilipoendelea kukumbatia makosa hayo, lilipoteza mwelekeo wa kusudi lake.



80

Mwana historia mmoja aliandika, Wakristo wapya walikuwa wapagani wale wale wa zamani, kama jinsi mawazo na mazoea yao yalivyokuwa,...ongezeko lao makanisani halikufuta upagani.



81

Kinyume chake, makundi ya wapagani yalipelekea upagani kuhafifisha nguvu za kimaadili za Ukristo uliokuwa katika utaratibu mzuri hadi kiasi cha kuua uwezekano wa kuzaa.

- Karne za Ukristo: Historia kwa Ufupi, uk. 58.



82

Hata hivyo, katika wakati huu Wakristo wengi walisalia kuwa waaminifu kwa kweli za Mungu na wakaapinga mabadiliko yaliyokuwa yameingia katika kanisa.

Walikataa kuuza misimamo yao, na wengi waliteswa kwa sababu ya misimamo yao.

Mara wafalme wa Kirumi wakatoa amri kwamba yeyote aliyekataa mafundisho ya uongo ya kanisa la kiserikali alikuwa amefanya uhalifu ulioadhibiwa tu kwa kifo.



83

(Fungu: Ufunuo 12:13)

Huku akiwa ameyaona haya yote mbeleni, Yohana aliandika,

Na joka yule...alimwudhi mwanamke yule aliyemzaa mtoto mwanamume.

Ufunuo 12:13.

Na ni kitu gani kilichotokea kwa mwanamke?

20 - KUWEKWA HURU NA KWELI



84

(Fungu: Ufunuo 12:6)

Yule mwanamke akakimbilia nyikani, ambapo ana mahali palipotengenezwa na Mungu,



85

ili wamlishe huko muda wa siku elfu na mia mbili na sitini.

Ufunuo 12:6.

Tambua hapa ya kwamba Mungu anafunua muda ambao watu wake walikuwa wateswe: siku 1,260. Tumegundua tayari ya kwamba kila siku katika unabii wa Biblia huwakilisha muda wa mwaka mmoja halisi.



86

(Fungu: Ezeieli 4:6)


Ezeieli aliandika,siku moja kwa mwaka mmoja nimekuagiza.

Ezeieli 4:6



87

Hivyo kugandamizwa kwa watu waamifu wa Mungu, kama kulivyotabiriwa katika Ufunuo, ilikuwa kuendelea kwa miaka 1,260.



88

Historia kwa usahihi kabisa inauthibitisha unabii huu wa Biblia. Mfalme wa Kirumi Justinian aliamuru jenerali wa Kirumi Belisarius kufutilia mbali mamlaka mbili za mwisho za Ki Arian ambazo zilipinga kanisa la Kirumi.



89

Mamlaka ya mwisho katika hizi ilifutiliwa mbali mwaka wa 538 B.K., na Justinian alimtamka askofu wa Rumi kuwa kichwa cha kanisa, msahihishaji mwenye nguvu na wa kweli wa wazushi. Utawala usio na uvumilivu wa wale walioitwa wazushi ukaanza.

20 - KUWEKWA HURU NA KWELI



90

Na Wakristo waaminifu walioendelea kudumisha ukweli uliofunuliwa katika Neno la Mungu waligundua ya kwamba njia pekee ya kuihifadhi imani ilikuwa kukimbia, kama jinsi Ufunuo ilivyotabiri.

Mwanamke akakimbilia jangwani.



91

Wa Waldensia, Waalbigensia, na Wakristo waaminifu wengine walikimbilia kwenye Alps katika Italia ya kaskazini na Ufaransa ya kusini, na Wahaguenoti wakasambaa katika Ufaransa yote. Walitulia katika mabonde yaliyojitenga, mapango ya mbali zaidi, na katika milima iliyo inuka zaidi.

Walisakwa kama wahalifu wa kawaida, na wengi waliuawa.

Uhalifu wao? Hawakuacha mafundisho ya Yesu.



92

Mamilioni ya Wakristo waliamua kuuawa badala ya kuiuza imani yao.

Baadhi ya wanahistoria wanakadiria idadi ya waliouawa kufikia milioni 50.

Na wengi wa wale waliouawa waliuawa na wengine waliojiita Wakristo walioamini ya kwamba walikuwa wakitenda mapenzi ya Mungu!



93

Hatimaye ukweli wa Mungu ulishinda.

Biblia iliyotafsiriwa katika lugha ya watu husika na sasa kupitia katika uvumbuzi wa mashine za uchapaji ikasambaa katika dunia nzima.

Ukweli wa Mungu haukuwa ufichike tena. Ulikuwa ufunuliwe sasa!



94

Wanamatengenezo wenye juhudi walilitangaza Neno la Mungu kwa ujasiri. Baadhi kama Huss na Jerome, walichomwa huku wakiwa wamefungwa katika miti.

20 - KUWEKWA HURU NA KWELI



95

Wengine, kama Luther, Wycliffe, na Tyndale, walisakwa na kuteswa.



96

Hata hivyo, pamoja na uvumbuzi wa Marekani, uhuru mpya na kimbilio jipya vikatolewa kwa Wakristo walioteswa wa Ulaya.



97

Katika pwani za taifa jipya lililozaliwa kuliwekwa msingi wa uraia na uhuru wa kidini.



98

Kipindi cha maridhiano na mateso kilichotabiriwa katika ufunuo 12 hatimaye kikafikia mwisho wake mwaka 1798.

Kiliisha wakati Napolioni alipomtuma Jenerali Berthier kumchukua papa mateka --miaka kamili 1,260 baada ya mateso kuanza mwaka wa 538.



99

Wakati muda huu wa kinabii ulipofikia mwisho wake, bado Mungu alikuwa na kundi la waumini waaminifu walioshikilia Biblia na mafundisho yake. Unabii ulitangulia mapema kusema ya kwamba Shetani angegeuzia ghadhabu yake kwa kanisa la Mungu lililosalia baada ya kipindi hiki cha kinabii:



100

(Fungu: Ufunuo 12:17)

Joka akamkasirikia mwanamke, akaenda zake afanye vita juu ya wazao wake waliosalia,



101

wazishikao amri za Mungu, na kuwa na ushuhuda wa Yesu;
Ufunuo 12:17.

20 - KUWEKWA HURU NA KWELI



102

Masalio ni sehemu ya mwisho ya kitambaa kinachosalia kutokana na jora...

Vivyo hivyo, masalio wa kanisa la Mungu ni sehemu ya mwisho ya kanisa lile -kanisa linaloendelea kuwepo katika kipindi cha mwisho mara kabla ya Yesu kurudi duniani tena.



103


Hivyo katika kutafsiri fungu hili moja kwa moja, tunganese, Mwovu alighadhibika....akaenda kufanya vita na kanisa la siku za mwisho.

Shetani anaghadhibika kwa kuwa watu wa Mungu bado wanafuata kweli za Mungu katika siku za hizi za mwisho.



104


Yohana anaelezea juu ya tabia mbili ambazo kwazo twaweza kulitambua kanisa hili la siku za mwisho: Joka akamkasirikia [alimghadhibikia] mwanamke, akaenda zake afanye vita juu ya wazao wake waliosalia,



105

wazishikao amri za Mungu, na kuwa na ushuhuda wa Yesu; Ufunuo 12:17.

Masalio ni wale wazishikao amri zote za Mungu.



106

Wenye ushuhuda wa Yesu Kristo



107

Lakini je, si kila kanisa linafundisha ya kwamba Wakristo wanapaswa kutii amri za Mungu? Siyo hivyo kikamilifu! Lakini dini nyingi leo hufundisha washiriki wao, kwa njia moja ama nyingine, kutotii baadhi ya maelekezo ya Mungu. Kwa mfano, baadhi ya makanisa hufundishwa kuinamia sanamu. Mengine hudharau utakatifu wa jina la Mungu.

20 - KUWEKWA HURU NA KWELI



108

(Fungu: Kutoka 20:8-10)

Na sehemu kubwa zaidi ya ulimwengu wa kidini umepoteza muelekeo wa kumbukumbu ya uumbaji iliyoelezwa katika amri ya nne: Ikumbuke siku ya Sabato, uitakase.



109

Siku sita fanya kazi, utende mambo yako yote;



110

lakini siku ya saba ni Sabato ya BWANA, Mungu wako,
Kutoka 20:8-10.



111

(Fungu: Ufunuo 12:17)

Masalio wa Mungu, au kanisa la siku za mwisho, si tu walikuwa watunze amri za Mungu, lakini unabii pia unasema watakuwa na ushuhuda wa Yesu Kristo. (Ufunuo 12:17)



112

(Fungu: Ufunuo 19:10)

Ufunuo 19:10 inasema, ushuhuda wa Yesu ndio roho ya unabii.



113

Kanisa la Mungu la siku za mwisho litakuwa na karama za Roho, ikiwepo ile ya roho ya unabii. Tutajifunza hii karama ya pekee kwa undani zaidi katika wakati wa mbeleni.

Mungu anatoa tabia zingine kadhaa ili kutusaidia katika utafiti wetu wa kanisa lake la siku za mwisho. Watu wake watajihusisha na utume wa kuifikia dunia kwa injili, kwani Yesu aliliagiza kanisa lake:



114

(Fungu: Mathayo 28:19,20)

Basi, enendeni, mkawafanye mataifa yote kuwa wanafunzi,

20 - KUWEKWA HURU NA KWELI



115

mkiwabatiza kwa jina la Baba, na Mwana,
na Roho Mtakatifu;



116

na kuwafundisha kuyashika yote
niliyowaamuru ninyi; na tazama



117

mimi nipo pamoja nanyi sikuzote, hata ukamilifu wa
dahari..
Mathayo 28:19,20.



118

Amri ya kuhubiri injili ya milele katika dunia nzima
inawakilishwa katika Ufunuo 14 na malaika watatu
warukao katikati ya mbingu.
Sehemu ya kwanza ya jumbe hizi tatu inasisitiza
kweli mbili kuu ambazo zinapaswa kuelezwa kwa
kila mtu:



119

(Fungu; Ufunuo 14:6,7)
Kisha nikaona
malaika mwingine akiruka katikati ya mbingu,



120

mwenye injili ya milele, awahubiri hao wakaao juu ya
nchi -



121

na kila taifa na kabila na lugha na jamaa,-

20 - KUWEKWA HURU NA KWELI



122

akasema kwa sauti kuu, 'Mcheni Mungu, na kumtukuza, kwa maana saa ya hukumu yake imekuja.



123

Msujudieni yeye aliyezifanya mbingu na nchi na bahari na chemchemi za maji.'
Ufunuo 14:6,7.



124

Hili ni onyo kwa wale wanaoishi katika saa za mwisho za Dunia kukumbuka ya kwamba siku ya hukumu imekuja.

Hili pia ni kumbusho la kumbukumbu kuu ya uwezo wa Mungu wa uumbaji, Sabato ya siku ya saba.

Sehemu ya pili ya ujumbe huu wenye sehemu tatu unapatikana katika fungu la 8:



125

(Fungu: Ufunuo 14:8)

Kisha mwingine, malaika wa pili, akafuata akisema, Umeanguka, umeanguka Babeli, mji ule ulio mkubwa,



126

maana ndio uliowaowanyeshwa mataifa yote mvinyo ya ghadhabu ya uasherati wake.'

Ufunuo 14:8.

Ujumbe huu unaita watu wa kweli wa Mungu kutengana na ulimwengu uliochanganyikiwa kidini. Mtizamo wao utaitwa ili kuelekea uasi katika dini leo.

Mwito wa mwisho, na mzito, unatolewa katika sehemu ya tatu ya unabii huu:



127

(Fungu: Ufunuo 14:9,10)

Na mwingine, malaika wa tatu, akafuata, akisema kwa sauti kuu,

20 - KUWEKWA HURU NA KWELI



128



129

Ufunuo 14:9,10.



130

Dunia inapaswa ionywe dhidi ya ibada ya mnyama na sanamu yake au kupokea alama yake.



131

(Fungu: Yohana 10:16)
Yesu alisema, Na kondoo wengine ninao, ambao si wa zizi hili; na hao nao imenipasa kuwaleta;



132

Yohana 10:16.



Mungu anao wafuasi wake katika makanisa yote, lakini utakuja wakati ambapo kutakuwa na zizi moja, au kanisa moja peke yake la kweli.
Yesu alisema kondoo wake wataitwa toka katika makundi haya ambayo hayajafuata kwa uangalifu mafundisho ya Neno la Mungu.



134

(Fungu: Ufunuo 18:4)
Yohana wa Ufunuo alitabiri juu ya wakati huo:Kisha nikasikia sauti nyingine kutoka mbinguni ikisema, 'Tokeni kwake, enyi watu wangu,

20 - KUWEKWA HURU NA KWELI



135

msishiriki dhambi zake, wala msipokee mapigo yake.'

Ufunuo 18:4.

Wafuasi waaminifu wa Mungu wataitwa kutoka katika makosa ya kidini na machafuko ambayo yapo katika kipindi cha mwisho wa wakati.

Utataka kugundua jinsi gani Biblia inaeleza juu ya watu wanaoitwa watoke katika machafuko ya kidini ambayo yatakuwapo kabla tu ya kuja kwa Yesu.



136

(Fungu: Ufunuo 14:12,14)

Hapa ndipopenye subira ya watakatifu, hao wazishikao amri ya Mungu, na imani ya Yesu.



137

Kisha nikaona, na tazama, wingu

jeupe, na juu ya wingu hilo ameketi mmoja, mfano wa Mwanadamu,



138


mwenye taji ya dhahabu juu ya kichwa chake, na katika mkono wake mundu mkali.

Ufunuo 14:12,14.




139

Hebu na tupitie kwa upesi baadhi ya tabia za maana za kanisa la Mungu kama zinavyoelezwa katika Biblia:



140


Kanisa la Mungu la masalia lilikuwa litokee baada ya mateso ya kutisha ambayo yaliisha mwaka wa 1798.



141


Watakuwa na imani ya Yesu, inayowaongoza kutunza amri zote kumi za Mungu.

20 - KUWEKWA HURU NA KWELI



142

3. Watatangaza jumbe maalum za maonyo za Ufunuo kwa dunia yote ili kuwaandaa watu kwa ajili ya marejeo ya Yesu.



143

Watakuwa na karama za Roho, ikiwemo karama ya unabii.



144

Makanisa yote yanaweza kufanana kwa mtizamo wa haraka,



145

lakini uendeleapo kujifunza maelekezo ya Mungu juu ya undani wa Neno lake Takatifu, ni rahisi sana kutupilia mbali wale ambao hawana tabia hizi za Kibiblia.

Pengine umekuwa ukitafuta, ukijaribu kuchuja katika machafuko haya ya kidini duniani leo, ukitafuta kanisa la siku za mwisho la Mungu. Ninaamini ya kwamba lipo kanisa moja la kweli pekee. Hili ni kanisa linaloamini katika Biblia, ambalo kiini chake ni Kristo, utunzaji wa Sabato, kazi ya dunia nzima ihusuyo marejeo ya Kristo. Ndiyo maana mimi ni muadventista Msabato. Nina imani kanisa limefikia kiwango cha tabia zote.



146

Kama jinsi tulivyojifunza huu unabii wa ajabu, waweza kuona wazi ya kwamba Mungu anao ujumbe maalum, na watu maalum wa kuubeba ujumbe huu kwa dunia nzima.


Lakini haitoshi kujua tu kweli hizi za kibiblia.



147

Ili kuwa na amani na furaha itokanayo na kutembea kikamilifu na Yesu Kristo, ni muhimu pia kwako kujitokeza na kufuata ukweli kama ambavyo umefunuliwa katika Neno la Mungu, kwani Yesu alisema,

20 - KUWEKWA HURU NA KWELI



148

(Fungu: Yohana 13:17)

Basi, ikiwa mwayajua hayo, mtakuwa na heri mkiyatekeleza. (John 13:17 [HNKK])

Yohana 13:17.



149

Mungu anakualika ili upate kufanya mojawapo kati maamuzi ya muhimu zaidi katika maisha yako.

Je, waamini ya kwamba umelisikia neno la Mungu likihubiriwa katika mfululizo wa mafundisho haya?

Je, waamini ya kwamba Roho Mtakatifu amekuwa akituta kwa nguvu moyo wako katika mfululizo huu?

Tunapolisikia neno la Mungu, tunaposikiliza kweli ya Mungu, Roho Mtakatifu anatumia kufanya uamuzi.

Je, ungependa kusema, Ndiyo BWANA, ninakubali neno lako. Ndiyo, Yesu, ninataka kuufuata ukweli.

Ndiyo, Yesu, ninakubaliana na maongozi ya Roho Mtakatifu. Nitakufuata njia yote sasa. Ninachagua kutembea katika njia ya kweli.

Kama huo ndiyo uamuzi wako, je, waweza kusimama sasa hivi tunapomba?